



**P R A V I L N I K**  
**o postupku imenovanja i razrješenja biračkih odbora za Lokalne izbore u Bosni i Hercegovini**  
**2024. godine**

Sarajevo, maj 2024. godine

Na osnovu čl. 2.9 stav (1) tačka 2., 1.5 stav (3), 2.19 i 20.16c stav 4. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), Centralna izborna komisija Bosne i Hercegovine je na 20. sjednici, održanoj 03.05.2024. godine, donijela

**P R A V I L N I K**  
**o postupku imenovanja i razrješenja biračkih odbora za Lokalne izbore u Bosni i Hercegovini 2024. godine**

**Član 1.**  
**(Predmet)**

Pravilnikom o postupku imenovanja i razrješenja imenovanja biračkih odbora za Lokalne izbore u Bosni i Hercegovini 2024. godine (u daljem tekstu: Pravilnik) definišu se birački odbori, opći i posebni uvjeti, selekcija, imenovanje, evidencija, edukacija, certifikacija i ocjenjivanje predsjednika /zamjenika predsjednika biračkih odbora, kao i kvalifikacije, obuka, provjera znanja i certificiranje, postupak dodjele mjesta i imenovanje članova biračkih odbora, odnosno mobilnih timova, te članova biračkih odbora u diplomatsko-konzularnim predstavništvima Bosne i Hercegovine (u daljnjem tekstu: DKP BiH), te kvalificiranih lica sa rezervne liste.

**Član 2.**  
**(Pojmovi)**

Pojedini izrazi korišteni u ovom Pravilniku znače:

- 1) „**Centar za edukaciju**“ osnovan od strane Centralne izborne komisije BiH u cilju edukacije organa za provođenje izbora i svih učesnika iz oblasti izbora i finansiranja političkih stranaka kako na nivou BiH tako i na regionalnom i međunarodnom nivou. Sjedište Centra za edukaciju je u zgradi Centralne izborne komisije BiH , Danijela Ozme br.7, Sarajevo.
- 2) „**Dodatna obuka**“ organizira Centralna izborna komisija BiH s ciljem ponovnog osposobljavanja predsjednika/zamjenika predsjednika biračkog odbora, koji u prvoj obuci nisu uspješno zadovoljili test.
- 3) „**Evidencija izdatih certifikata**“ predstavlja listu serijskih brojeva izdatih certifikata predsjednicima/zamjenicima predsjednika biračkih odbora.
- 4) „**Fiktivno predstavljanje u članstvu biračkog odbora**“ u smislu člana 7.3 stav (2) Izbornog zakona BiH podrazumijeva lažno predstavljanje u ime bilo koje političke stranke, koalicije, liste nezavisnih kandidata ili nezavisnog kandidata kao i zloupotreba zakonskog prava na učešće u radu biračkog odbora ispred jednog političkog subjekta protivno odredbi člana 2.19 ovog zakona i to fiktivnim predstavljanjem u ime političkog subjekta kojem je mjesto u biračkom odboru pripalo sa ciljem pogodavanja drugom političkom subjektu kojem to mjesto u biračkom odboru nije pripalo. Ova zabrana primjenjuje se i na članove biračkog odbora.

- 5) „**Instruktor**“ je lice obučeno od strane Centralne izborne komisije BiH koje ima obavezu da obučava predsjednike/zamjenike predsjednika biračkog odbora.
- 6) „**Izborna komisija osnovne izborne jedinice**“ je izborna komisija imenovana od strane OV/GV/SO/SG uz saglasnost Centralne izborne komisije BiH, a koja sprovodi sve propisane obaveze iz čl 2.13 Izbornog zakona BiH i podzakonskih akata koje je donijela Centralna izborna komisija BiH na teritoriji opština /gradova i Brčko distrikt BiH.
- 7) „**Izjava o ispunjenosti uvjeta**“ podrazumijeva izjavu, ovjerenu kod nadležnog općinskog organa ili izborne komisije u postupku po Javnom konkursu, koju kandidat za predsjednika/zamjenika predsjednika biračkog odbora pod materijalnom i krivičnom odgovornošću potpisuje i čije je sadržaj sastavni dio ovog Pravilnika.
- 8) „**Izjava o nacionalnoj pripadnosti**“ podrazumijeva izjašnjenje kandidata za predsjednika/zamjenika predsjednika biračkog odbora koje je naveo u rubrici prijavnog obrasca.
- 9) „**Javni konkurs**“ podrazumijeva konkurs za imenovanje predsjednika/zamjenika predsjednika biračkog odbora.
- 10) „**Lista kandidata**“ podrazumijeva listu svih prijavljenih kandidata za predsjednika/zamjenika predsjednika biračkog odbora.
- 11) „**Lista kandidata za imenovanje na mjesto predsjednika ili zamjenika predsjednika biračkog odbora**“ je lista koju sačinjava Centralna izborna komisija BiH nakon konsultacije sa izbornom komisijom osnovne izborne jedinice u periodu između dva izborna ciklusa putem jednog ili više javnih poziva, a ista sadrži tačno određena biračka mjesta na koja se kandidati imenuju vodeći računa o mjestu prebivališta, a po mogućnosti i na biračkim mjestima na kojima su upisani kao birači.
- 12) „**Lista uspješnih kandidata**“ podrazumijeva rang listu kandidata koji su uspješno završili testiranje.
- 13) „**Odluka o imenovanju**“ donosi Centralna izborna komisija BiH nakon provedene konkursne procedure i prema kriterijima utvrđenim zakonom i dodatnim kriterijima utvrđenim ovim Pravilnikom.
- 14) „**Plan i program obuke**“ je pisani dokument koje donosi Centralna izborna komisija BiH kojim se utvrđuju svi neophodni elementi koji uključuju metodiku izvođenja obuke i sva druga organizaciona pitanja neophodna za realizaciju obuke, čiji sastavni dio je i lista mogućih pitanja i odgovora za testiranje.
- 15) „**Povjera znanja**“ podrazumijeva testiranje, a sadržaj testa, način testiranja i vrijeme trajanja testa određuje Centralna izborna komisija BiH.
- 16) „**Rang lista kandidata**“ je lista kandidata koji su uspješno prošli testiranje.
- 17) „**Rezervna lista**“ formira je izborna komisija osnovne izborne jedinice na osnovu javnog poziva ili iz drugih izvora kako bi se osigurala popuna rezervne liste u slučaju da član biračkog odbora, odnosno njegov zamjenik odustane od rada u

biračkom odboru, a na dostavljenoj listi nema preostalih kandidata političkog subjekta, lista se popunjava kandidatom sa rezervne liste.

18) „**Testiranje**“ obuhvata online testiranje, a u slučaju da isto nije moguće iz tehničkih razloga, testiranje se obavlja pisanim popunjavanjem testa.

19) „**Tim instruktora**“ u smislu ovog Pravilnika predstavlja tim edukatora koje imenovala Centralna izborna komisija BiH po posebnoj proceduri, posebnom odlukom.

20) „**Ukupna ocjena kandidata**“ predstavlja zbir osvojenih bodova prilikom provjere znanja te dodatnih bodova u skladu sa članom 16. stav (1) i (2) ovog Pravilnika.

## **POGLAVLJE I. OPĆI PRINCIPI**

### **Član 3.**

#### **(Birački odbor-član 2.1 stav (1) Izbornog zakona BiH)**

(1) Birački odbor je organ za provođenje izbora i sastoji se od tri ili pet članova od kojih je jedan predsjednik.

(2) Predsjednik i ostali članovi biračkog odbora imaju zamjenike.

(3) U sastavu biračkog odbora nastojat će se osigurati zastupljenost polova u skladu sa Zakonom o ravnopravnosti polova u Bosni i Hercegovini (Službeni glasnik BiH, br. 16/03, 102/09, i 32/10), osim ako se birački odbor sastoji od tri člana pri čemu se ravnopravna zastupljenost smatra postignutom u slučaju kada je jedan od polova zastupljen sa 1/3 od ukupnog broja članova.

### **Član 4.**

#### **(Obaveza nezavisnog i nepristrasnog rada-član 2.1 stav (2) Izbornog zakona BiH)**

(1) Birački odbori su nezavisni i nepristrasni u svom radu. Član biračkog odbora neće učestvovati u donošenju odluke kada taj član ili član njegove uže porodice ima lični ili finansijski interes, ili ako postoji drugi sukob interesa, koji može dovesti u sumnju njegovu sposobnost da djeluje nepristrasno. Članovima uže porodice smatraju se članovi porodice u smislu člana 15.7 stav (2) Izbornog zakona Bosne i Hercegovine.

(2) Prije stupanja na dužnost, svaki pojedinačni član biračkog odbora dužan je potpisati zakletvu čiji tekst glasi: *“Ovim se zaklinjem da ću vjerno, savjesno i nepristrasno obavljati dodijeljene mi dužnosti i provoditi i poštovati Ustav i zakone Bosne i Hercegovine.”*

### **Član 5.**

#### **(Naknada za rad u biračkom odboru-član 2.19 stav (19) Izbornog zakona BiH)**

(1) Članovi biračkih odbora imaju pravo na naknadu za svoj rad.

(2) Visinu naknade za rad koji obavljaju članovi biračkih odbora donosi Centralna izborna komisija BiH posebnom odlukom.

**Član 6.**  
**(Broj članova biračkog odbora)**

(3) Birački odbor sastoji se od predsjednika i njegovog zamjenika, i dva člana i njihovih zamjenika, ako je u izvodu iz Centralnog biračkog spiska za određeno biračko mjesto upisano do 350 birača.

(4) Birački odbor sastoji se od predsjednika i njegovog zamjenika, i četiri člana i njihovih zamjenika, ako je u izvodu iz Centralnog biračkog spiska za određeno biračko mjesto upisano više od 350 birača.

**Član 7.**  
**(Zamjenik predsjednika i zamjenik člana biračkog odbora-član 2.19 stav (2) Izbornog zakona BiH)**

(1) Predsjednika i članove biračkog odbora u slučaju njihovog odsustva prilikom procesa glasanja i/ili brojanja glasačkih listića zamjenjuju njihovi zamjenici.

(2) Na biračkom mjestu na kojem je glasalo više od 350 birača, zamjenici predsjednika i zamjenici članova biračkog odbora dužni su učestvovati tokom cijelog procesa brojanja glasačkih listića.

(3) Predsjednik biračkog odbora izuzetno, uz saglasnost izborne komisije osnovne izborne jedinice, može ovlastiti zamjenika predsjednika i zamjenike članova biračkog odbora da prisustvuju tokom cijelog postupka brojanja glasačkih listića na biračkom mjestu na kojem je glasalo manje od 350 birača.

(4) Zamjenik predsjednika, odnosno zamjenik člana biračkog odbora obavezan je prije preuzimanja dužnosti u biračkom odboru u Zapisniku o radu biračkog odbora potpisati Zakletvu iz člana 4. stav (2) ovog Pravilnika.

**POGLAVLJE II. KRITERIJI ZA IMENOVANJE I RAZRJEŠENJE PREDSJEDNIKA BIRAČKOG ODBORA I ZAMJENIKA PREDSJEDNIKA BIRAČKOG ODBORA**

**Odjeljak A. Opći i posebni uvjeti za imenovanje predsjednika i zamjenika predsjednika biračkog odbora**

**Član 8.**

**(Opći uvjeti za imenovanje predsjednika/zamjenika predsjednika biračkog odbora)**

(1) Selekciju i imenovanje, predsjednika/zamjenika predsjednika biračkog odbora vrši Centralna izborna komisija BiH. Centralna izborna komisija BiH vrši i evidenciju, edukaciju, certifikaciju i ocjenjivanje predsjednika i zamjenika predsjednikâ biračkih odbora.

(2) Da bi bili imenovani, kandidat za predsjednika i kandidat za zamjenika predsjednika biračkog odbora, pored ispunjavanja uvjeta iz člana 2.2 i 2.3 Izbornog zakona Bosne i Hercegovine, ne smiju biti članovi političke stranke niti obavljati dužnost u organima političke stranke, udruženja ili fondacije organizaciono ili finansijski povezanim s političkom strankom, niti smiju biti uključeni u bilo kakve aktivnosti političke stranke i moraju biti u mogućnosti da obavljaju svoje dužnosti na politički nepristrasan način.

(3) Izjavu o ispunjenosti uvjeta iz stava (2) ovog člana, pod punom materijalnom i krivičnom

odgovornošću potpisuje i kod nadležnog općinskog organa ili kod izborne komisije osnovne izborne jedinice, ovjerava i u postupku po Javnom konkursu podnosi kandidat za predsjednika i kandidat zamjenika predsjednika biračkog odbora. Sadržaj izjave je sastavni dio ovog Pravilnika.

#### **Član 9.**

##### **(Posebni kriteriji za imenovanje kandidata za predsjednika i kandidata za zamjenika predsjednika biračkog odbora)**

Pored kriterija iz člana 8. ovog Pravilnika, kandidat za predsjednika, odnosno kandidat za zamjenika predsjednika biračkog odbora mora ispunjavati posebne kriterije, kako slijedi:

- a) da ima prebivalište u općini za koju se imenuje birački odbor i (po mogućnosti) da je upisan u izvod iz Centralnog biračkog spiska za biračko mjesto za koje se imenuje;
- b) da ima najmanje završenu srednju školu, odnosno IV ili V stepen stručne spreme, (po mogućnosti) da je student, apsolvent ili da posjeduje VSS;
- c) da posjeduje osnovno znanje iz oblasti izbornog zakonodavstva, (po mogućnosti) da posjeduje izbornu iskustvo kao predsjednik ili član izborne komisije, odnosno kao predsjednik ili član biračkog odbora.
- d) da mu nije izrečena sankcija od Centralne izborne komisije BiH u skladu sa članom 2.3. stav 1. tačka 5. Izbornog zakona Bosne i Hercegovine.

#### **Odjeljak B. Javni konkurs i konkursna procedura**

#### **Član 10.**

##### **(Javni konkurs)**

(1) Javni konkurs za imenovanje predsjednika/zamjenika predsjednika biračkog odbora pored općih i posebnih kriterija iz čl. 8 i 9. ovog Pravilnika, obavezno sadrži:

- a) preambulu,
- b) datum objavljivanja javnog konkursa,
- c) rok za podnošenje prijave na javni konkurs koji ne može biti duži od osam dana od datuma objave javnog konkursa,
- d) osnovna prava i dužnosti predsjednika biračkog odbora/zamjenika predsjednika biračkog odbora,
- e) obrazac za podnošenje prijave za predsjednika/zamjenika predsjednika biračkog odbora koji je sastavni dio ovog Pravilnika,
- f) mjesto i način podnošenja prijave na javni konkurs;
- g) napomena da se neblagovremene prijave neće razmatrati; i
- j) obavijest o vremenu objave rezultata po javnom konkursu.

(2) Javni konkurs iz stava (1) ovog člana obavezno se objavljuje na internet stranici Centralne izborne komisije Bosne i Hercegovine, na društvenim mrežama Centralne izborne komisije Bosne i Hercegovine.

(3) Pored objave na način iz stava (2) ovog člana, javni konkurs se obavezno objavljuje:

- a) na javnim elektronskim medijima u skladu sa članom 16.9 stav 1. Izbornog zakona Bosne i Hercegovine;
- b) na zvaničnoj web stranici izborne komisije osnovne izborne jedinice kao i web stranici općine/grada,

- (4) Kandidat za predsjednika/zamjenika predsjednika biračkog odbora uz obrazac za podnošenje prijave iz stava (1) tačka e) ovog člana dostavlja:
- a) dokaz o stručnoj spremi;
  - c) potpisanu i ovjerenu izjavu o ispunjenosti uvjeta iz člana 8. stav (3) ovog Pravilnika;
  - d) ukoliko posjeduje, dokaz o poznavanju izbornog zakonodavstva, odnosno izbornog iskustva iz člana 9. tačka c) ovog Pravilnika.

**Član 11.**  
**(Način i mjesto podnošenja prijave)**

(1) Obrazac za prijavu na javni konkurs iz člana 10. ovog Pravilnika sa pratećom dokumentacijom, kandidat za predsjednika biračkog odbora odnosno zamjenika predsjednika biračkog odbora dostavlja Centralnoj izbornoj komisiji BiH putem aplikacije za prijavu.

(2) Ukoliko aplikacija iz stava 1. ovog člana ne bude dostupna u trenutku podnošenja prijave, ista se podnosi u zatvorenoj koverti putem pošte ili lično u sjedištu Centralne izborne komisije BiH.

**Član 12.**  
**(Konkursna procedura)**

Centralna izborna komisija BiH vrši pregled pristiglih prijava i sačinjava listu prijavljenih kandidata, koja uključuje podatke o blagovremernosti prijave, te ispunjenosti općih i posebnih kriterija propisanih ovim Pravilnikom.

**Odjeljak C.- Obuka, provjera znanja i ocjenjivanje prijavljenih kandidata**

**Član 13.**  
**(Preliminarno testiranje prijavljenih kandidata)**

(1) Kandidati za predsjednika/zamjenika predsjednika biračkog odbora sa liste prijavljenih kandidata iz člana 12. ovog Pravilnika, pristupaju preliminarnom testiranju, ukoliko Centralna izborna komisija BiH odluči da se pristupi preliminarnom testiranju.

(2) Datum, vrijeme, mjesto i način testiranja određuje Centralna izborna komisija BiH putem internet stranice [www.izbori.ba](http://www.izbori.ba) obavještava prijavljene kandidate.

(3) Preliminarno testiranje je obavezno za sve prijavljene kandidate, ali negativni rezultat preliminarnog testiranja nije eliminatoran.

**Član 14.**  
**(Obuka kandidata)**

(1) Centralna izborna komisija BiH obučava i formira tim instruktora, zaduženih za obuku kandidata za predsjednika/zamjenika predsjednika biračkog odbora koji zadovoljavaju opće i posebne uvjete konkursa i koji su pristupili preliminarnom testiranju. Način i uvjeti imenovanja i rada instruktora u timovima za obuku utvrđuje Centralna izborna komisija BiH posebnom odlukom.

(2) Tim instruktora iz stava (1) ovog člana nakon završene obuke, vrše obuku kandidata za predsjednika/zamjenika predsjednika biračkog odbora o čemu blagovremeno obavještavaju kandidate.

(3) U planu i programu obuke koji donosi Centralna izborna komisija BiH utvrđuju se svi neophodni elementi, koji uključuju metodiku izvođenja obuke i sva druga organizaciono-tehnička pitanja neophodna za organizaciju obuke iz stava (2) ovog Pravilnika, sa posebnim fokusom na praktične vježbe sa ciljem osbosobljavanja za praktičan rad na biračkom mjestu u realnim uvjetima. Plan i program obuke sadrži listu mogućih pitanja i odgovora za testiranje.

### **Član 15.** **(Provjera znanja)**

(1) Nakon završene obuke iz člana 14. ovog Pravilnika, kandidati za predsjednika/zamjenika biračkog odbora, pristupaju provjeri znanja, odnosno testiranju.

(2) Sadržaj testa, način testiranja i vrijeme trajanja testa određuje Centralna izborna komisija BiH, o čemu neposredno pred testiranje obavještava timove instruktora za obuku iz člana 14. ovog Pravilnika.

(3) Ukoliko online testiranje iz tehničkih razloga ne bude moguće, testiranje će se vršiti na pisanim popunjavanjem testa, a na osnovu pregleda i ocjene testa, formiraće se rang lista kandidata.

(4) Nakon završenog testiranja, ukoliko ne bude dovoljno kandidata koji su zadovoljili test, izvršiće se dodatna obuka i ponovno testiranje.

(5) Kod ponovnog testiranja kandidata iz stava (4) ovog člana primjenjuju se odredbe stava (3) ovog Pravilnika.

(6) U slučaju da nakon procedura propisanih ovim Pravilnikom, neko od mjesta predsjednika/zamjenika predsjednika biračkog odbora ostane upražnjeno, imenovanje na ta mjesta će se u izuzetnom slučaju, obaviti po proceduri iz člana 2.19. stav 5. do 16. Izbornog zakona Bosne i Hercegovine.

(7) Popunjavanje upražnjenih mjesta predsjednika/zamjenika predsjednika biračkog odbora izvršiće nadležna izborna komisija osnovne izborne jedinice sa rezervne liste za tu izbornu jedinicu u skladu sa stavom (6) ovog člana, uz saglasnost Centralne izborne komisije BiH. Ovaj način popune upražnjenih biračkih mjesta, je privremenog karaktera i primjenjuju se isključivo za Lokalne izbore 2024. godine.

### **Odjeljak C.- Selekcija, evidencija, ocjenjivanje, certifikacija i imenovanje**

### **Član 16** **(Selekcija kandidata)**

(1) Centralna izborna komisija BiH na osnovu rang liste kandidata koji su uspješno završili testiranje iz člana 15. ovog Pravilnika, vrši selekciju predsjednika/zamjenika predsjednika biračkih odbora.

(2) Pored pozicije na rang listi iz stava (1) ovog člana, prilikom selekcije predsjednika/zamjenika predsjednika člana biračkog odbora, posebno se cijeni i boduje:

- a) kandidat sa višom stručnom spremom u odnosu na kandidate sa nižom stručnom spremom;
- b) kandidat koji su na zadnjoj godini studija u odnosu na kandidate koji su na nižoj godini



- studija, odnosno koji nisu započeli visoko obrazovanje;
- c) kandidat koji ima izbornu iskustvo;
  - d) kandidati koji su zaposleni u obrazovnim ustanovama kao edukatori;
  - e) kandidati koji imaju certifikat izdat od Centralne izborne komisije BiH,

(3) Centralna izborna komisija BiH će nakon što sačini rang listu za sve kandidate, u skladu sa stavom (1) i (2) ovog člana formirati jednu ili dvije liste kandidata. Ukoliko na rang listu kandidata za jednu osnovnu izbornu jedinicu bude više kandidata od duplog broja biračkih mjesta uvećan za 10% zaokruženo na prvi cijeli broj ukoliko ta osnovna izborna jedinica ima do 60 biračkih mjesta i na prvu deseticu ukoliko ima 60 i više biračkih mjesta, uzimajući u obzir i biračka mjesta za glasanje u odsustvu, biračka mjesta za glasanje nepotvrđenim glasačkim listićem i broja mobilnih timova sa zadnje provedenih izbora, formirat će dvije liste. Listu kandidata koji zadovoljavaju ovaj propis i listu kandidata koja će biti rezervna lista.

(4) Listu kandidata za imenovanje na mjesto predsjednika/zamjenika predsjednika biračkog odbora sačinjava Centralna izborna komisija BiH, u periodu između dva izborna ciklusa putem jednog ili više javnih konkursa.

(5) Lista kandidata iz stava 4. ovog člana se ažurira svakih šest mjeseci.

#### **Član 17. (Ocjenjivanje i raspoređivanje)**

(1) Ukupna ocjena osvojenih bodova prilikom provjere znanja i dodatnih bodova na osnovu posebnih kriterija u skladu sa članom 16. stav (1) i (2), predstavlja ukupnu ocjenu kandidata za predsjednika, odnosno zamjenika predsjednika biračkog odbora. (Tabela 1.)

(2) Centralna izborna komisija BiH imenovat će predsjednika/zamjenika predsjednika biračkog odbora u skladu sa ocjenom iz stav (1) ovog člana.

#### **Član 18. (Odluka o imenovanju, razrješenje i pravo na pravni lijek)**

(1) Na odluku o imenovanju predsjednika/zamjenika predsjednika biračkog odbora može se uložiti prigovor Centralnoj izbornoj komisiji BiH u roku od 72 sata od sata objave na internet stranici Centralne izborne komisije BiH.

(2) Odluka Centralne izborne komisije BiH kojom je odlučeno o prigovoru je pravosnažna i protiv nje se ne može uložiti žalba.

(3) Centralna izborna komisija BiH će razrješiti predsjednika/zamjenika predsjednika biračkog odbora ukoliko naknadnim provjerama utvrdi postojanje netačnosti i neistinitosti uvjeta za imenovanje predsjednika/zamjenika predsjednika biračkog odbora predviđenim Izbornim zakonom BiH i odredbama ovog Pravilnika.

#### **Član 19. (Certifikacija)**

(1) Centralna izborna komisija BiH će imenovanim predsjednicima/zamjenicima predsjednika biračkih odbora dodijeliti certifikate.

(2) Izgled i sadržaj certifikata iz stava (1) ovog člana utvrđuje Centralna izborna komisija BiH i sastavni je dio ovog Pravilnika.

(3) Centralna izborna komisija BiH vodi evidenciju izdatih certifikata, a koja sadrži ime i prezime, te jedinstveni matični broj lica kojem je uručen certifikat i serijski broj certifikata.

(4) Predsjednici/zamjenici predsjednika biračkog odbora koji su dobili certifikat dužni su učestvovati u kontinuiranoj obuci ostalih članova biračkih odbora, koju organizira izborna komisija osnovne izborne jedinice.

#### **Član 20. (Evidencija)**

Centralna izborna komisija BiH vodi evidenciju imenovanih predsjednika/zamjenika predsjednika biračkog odbora.

### **POGLAVLJE III- ČLANOVI I ZAMJENICI ČLANOVA BIRAČKIH ODBORA**

#### **Odjeljak A. Opći i posebni uvjeti za imenovanje članova i zamjenika članova biračkih odbora**

#### **Član 21. (Imenovanja članova i zamjenika članova biračkog odbora)**

Članove biračkog odbora i njihove zamjenike imenuje izborna komisija osnovne izborne jedinice najkasnije 45 dana prije dana održavanja izbora.

#### **Član 22. (Opći i posebni uvjeti za imenovanje člana i zamjenika člana biračkog odbora)**

(1) Pored općih uvjeta propisanih čl. 2.2. i 2.3 Izbornog zakona BiH, član, odnosno zamjenik člana biračkog odbora mora ispunjavati posebne uvjete:

- a) da ima prebivalište u općini za koju se imenuje birački odbor, u pravilu da je upisan u izvod iz Centralnog biračkog spiska za biračko mjesto za koje se imenuje,
- b) da ima najmanje završenu srednju školu, odnosno III, IV ili V stepen stručne spreme,
- c) da mu nije izrečena sankcija od Centralne izborne komisije BiH.

(2) Prilikom imenovanja člana biračkog odbora i njegovog zamjenika, izborna komisija osnovne izborne jedinice nastojat će osigurati da imenovanje bude u skladu sa odredbom člana 2.19 stav (13) i člana 2.14 stav (1) Izbornog zakona BiH.

(3) Član biračkog odbora i njegov zamjenik dužan je učestvovati u obuci koju organizira izborna komisija osnovne izborne jedinice. Nakon provedene obuke izvršiće se provjera znanja i uspješnom članu biračkog odbora i njegovom zamjeniku dodijeliće certifikate. Certifikat predstavlja dokaz da je član biračkog odbora odnosno njegov zamjenik prošao obaveznu edukaciju za date izbore.

(4) Izgled certifikata iz stava (3) ovog člana utvrđuje Centralna izborna komisija BiH i sastavni je dio ovog Pravilnika.

(5) Izborna komisija vodi evidenciju izdatih certifikata, a ona sadrži ime i prezime, te jedinstveni matični broj lica kojem je uručen certifikat i serijski broj certifikata.

## **Odjeljak B. Postupak imenovanja članova i zamjenika biračkih odbora**

### **Član 23.**

#### **(Pravo na popunjavanje mjesta članova i zamjenika članova biračkih odbora)**

(1) Za izborni ciklus Općih izbora mjesto člana biračkog odbora i zamjenika člana biračkog odbora se popunjava na prijedlog političkog subjekta zastupljenog u Parlamentarnoj skupštini BiH, Parlamentu Federacije BiH i Narodnoj skupštini Republike Srpske, koji je dobio mandat u trenutku potvrđivanja rezultata Općih izbora u prethodnom izbornom ciklusu.

(2) Za izborni ciklus lokalnih izbora, mjesta člana biračkog odbora i zamjenika člana biračkog odbora za svaku od osnovnih izbornih jedinica, se popunjava na prijedlog političkih subjekata zastupljenog u direktno izabranom organu jedinice lokalne samouprave iz relevantne osnovne izborne jedinice, a koji je dobio mandat u trenutku potvrđivanja rezultata Lokalnih izbora u prethodnom izbornom ciklusu.

### **Član 24.**

#### **(Žrijebanje- član 2.19 stav (10) Izbornog zakona BiH)**

(1) Politički subjekt iz člana 23. stav (1) i stav (2) ovog Pravilnika, ima pravo da učestvuje u postupku žrijebanja za dodjelu pozicija članova odnosno zamjenika članova biračkog odbora pod uvjetom da imaju ovjerenu listu za taj nivo vlasti za Lokalne izbore 2024. godine.

(2) Ukoliko izborna komisija osnovne izborne jedinice ne bude imenovala članove biračkog odbora i njihove zamjenike u skladu sa stavom (1) ovog člana, članove biračkog odbora i njihove zamjenike će imenovati Centralna izborna komisija BiH.

(3) Postupak žrijebanja obavlja izborna komisija osnovne izborne jedinice u roku koji ne smije biti kraći od 60 dana prije dana održavanja izbora.

(4) Nakon izvršenog žrijebanja, a najkasnije u roku od sedam dana, politički subjekt koji je učestvovao u žrijebanju dostavit će putem obrasca SG-I relevantnoj izornoj komisiji osnovne izborne jedinice listu s imenima kandidata za članove/zamjenike članova biračkog odbora u kojem su osvojili mjesto putem žrijeba.

(5) Postupak žrijebanja provodi se javno i snima se audio i video zapisom u skladu s obaveznim Uputstvom o žrijebanju političkih subjekata za mjesto u biračkom odboru, koje donosi Centralna izborna komisija BiH.

### **Član 25.**

#### **(Popunjavanje člana i zamjenika člana biračkog odbora sa rezervne liste-član 2.19 stav (12) Izbornog zakona BiH)**

(1) Ako politički subjekt ne dostavi imena kandidata za članove/zamjenike članova biračkog odbora u roku iz člana 24. stav (4) ovog Pravilnika, ili ako je dostavio broj kandidata za mjesta članova/zamjenika članova biračkog odbora manji od potrebnog broja članova/zamjenika članova biračkog odbora, to će se smatrati odustajanjem od dodijeljenog mjesta u biračkom odboru.

(2) U slučaju iz stava (1) ovog člana izborna komisija osnovne izborne jedinice imenovat će

nedostajuće članove biračkog odbora i njihove zamjenike sa rezervne liste edukovanih kandidata za članstvo u biračkom odboru, vodeći računa da popuna bude u skladu sa članom 2.19 stav (13) i članom 2.14 stav (1) Izbornog zakona BiH.

#### **Član 26.**

##### **(Rezervna lista-član 2.19 stav (12) Izbornog zakona BiH)**

- (1) Izborna komisija osnovne izborne jedinice je obavezna, najkasnije deset dana nakon što Centralna izborna komisija BiH raspiše izbore, objaviti javni oglas radi izrade rezervne liste iz člana 25. stav (2) ovog Pravilnika. Tekst javnog oglasa je sastavni dio ovog Pravilnika.
- (2) Nakon isteka roka za prijavu kandidata po objavljivanju javnog oglasa, izborna komisija osnovne izborne jedinice na osnovu dostavljene dokumentacije po javnom oglasu, provjerava da li kandidati ispunjavaju opće i posebne uvjete iz javnog oglasa, te ukoliko kandidati ispunjavaju propisane uvjete iste će imenovati na rezervnu listu.
- (3) Izborna komisija osnovne izborne jedinice će rezervnu listu iz stava (2) staviti javnosti na uvid na pogodan način, na oglasnoj ploči općine/grada, putem interneta ili na neki drugi način, kako bi javnost bila upoznata sa sastavom rezervne liste.
- (4) Ukoliko se na objavljeni javni oglas iz stava (1) ovog člana, ne prijavi dovoljan broj kvalifikovanih kandidata propisan u stavu (3) ovog člana izborna komisija osnovne izborne jedinice će se shodno članu 1.11 Izbornog zakona BiH obratiti, organima vlasti na svim nivoima kako bi se osigurala popuna rezervne liste. U tom slučaju rezervnu listu prevashodno će činiti učenici završnih razreda srednjih škola, studenti visokoškolskih ustanova, nezaposlene osobe koje se vode na evidencijama zavoda za zapošljavanje, zaposleni u javnoj administraciji.
- (5) Ukoliko član biračkog odbora, odnosno njegov zamjenik iz opravdanih razloga odustane od rada u biračkom odboru, a na dostavljenoj listi nema preostalih kandidata političkog subjekta, isti se popunjava kandidatom sa rezervne liste.
- (6) Kandidati sa rezervne liste iz stava (4) ovog člana, imaju pravo na naknadu za svoj angažman, na način da oni koji budu imenovani u članstvo biračkog odbora, primaju naknadu za svoj rad u članstvu biračkog odbora, a oni koji budu angažovani u tim za otvaranje vreća za pravilno objedinjavanje izbornih rezultata primaju naknadu za taj angažman.

#### **Član 27.**

##### **(Zabrana zloupotrebe prava na učešće u biračkom odboru-član 2.19 stav (14) i stav (16) Izbornog zakona BiH)**

- (1) Zabranjena je zloupotreba zakonskog prava na učešće u radu biračkog odbora fiktivnim predstavljanjem, kako je propisano članom 7.3 stav (2) Izbornog zakona Bosne i Hercegovine.
- (2) U sastavu jednog biračkog odbora, jedan politički subjekt može biti zastupljen samo sa jednim članom i jednim njegovim zamjenikom.

#### **Član 28.**

##### **(Odluka o imenovanju i pravo na pravni lijek-član 2.19 stav (6) Izbornog zakona BiH)**

- (1) Na odluku izborne komisije osnovne izborne jedinice o imenovanju članova biračkih odbora i zamjenika člana biračkog odbora može se uložiti prigovor nadležnoj izbornoj

komisiji.

(2) Na odluku izborne komisije osnovne izborne jedinice kojom je odlučeno o prigovoru može se uložiti žalba Centralnoj izbornoj komisiji BiH.

(3) Odluka Centralne izborne komisije BiH, kojom je odlučeno o žalbi iz stava (2) ovog člana je pravosnažna i protiv nje se ne može uložiti žalba.

#### **POGLAVLJE IV – IMENOVANJE BIRAČKIH ODBORA U DIPLOMATSKO-KONZULARNIM PREDSTAVNIŠTVIMA BiH**

##### **Član 29.**

##### **(Broj članova biračkog odbora u diplomatsko-konzularnom predstavništvu – član 1.5 stav (3) Izbornog zakona BiH)**

(1) Birački odbor u diplomatsko-konzularnom predstavništvu BiH sastoji se od predsjednika i njegovog zamjenika, i dva člana i njihovih zamjenika, ako je u izvodu iz Centralnog biračkog spiska za birače koji glasaju izvan BiH, za glasanje u diplomatsko-konzularnom predstavništvu BiH koji je određen za glasanje, upisano do 300 birača.

(2) Birački odbor sastoji se od predsjednika i njegovog zamjenika, i četiri člana i njihovih zamjenika, ako je u izvodu iz Centralnog biračkog spiska za birače koji glasaju izvan BiH, za glasanje u diplomatsko-konzularnom predstavništvu BiH koji je određen za glasanje, upisano više od 300 birača.

##### **Član 30.**

##### **(Opći i posebni uvjeti za imenovanje biračkog odbora u diplomatsko-konzularnom predstavništvu)**

(1) Pored općih uvjeta propisanih članom 2.2. stav (1) Izbornog zakona BiH, član biračkog odbora u diplomatsko-konzularnim predstavništvima BiH mora ispunjavati posebne uvjete:

- a) da je upisan u izvod iz Centralnog biračkog spiska za birače koji glasaju izvan BiH u diplomatsko-konzularnim predstavništvima BiH ili poštom.
- b) da ima najmanje završenu srednju školu, a izuzetno da ima nižu stručnu spremu od propisane, u cilju ispunjenja uvjeta iz člana 1.5 stav (5) Izbornog zakona BiH.

(2) Prilikom imenovanja člana biračkog odbora i njegovog zamjenika, osigurat će da sastav biračkog odbora bude u skladu sa odredbom člana 1.5 stav (5) Izbornog zakona BiH.

(3) Član biračkog odbora u diplomatsko-konzularnim predstavništvima BiH dužan je učestvovati u obuci koju organizira Centralna izborna komisija BiH. Nakon provedene obuke izvršit će se provjera znanja i uspješnom članu biračkog odbora u diplomatsko-konzularnim predstavništvima BiH dodijeliće certifikate. Certifikat predstavlja dokaz da je član biračkog odbora u diplomatsko-konzularnim predstavništvima BiH prošao obaveznu edukaciju za date izbore.

(4) Izgled certifikata iz stava (3) ovog člana utvrđuje Centralna izborna komisija BiH i sastavni je dio ovog Pravilnika.

**Član 31.**  
**(Prijedlozi i imenovanje)**

(1) Centralna izborna komisija BiH najkasnije u roku od 50 dana prije dana održavanja izbora upućuje zahtjev Ministarstvu vanjskih poslova Bosne i Hercegovine (u daljnjem tekstu: Ministarstvo vanjskih poslova BiH) da dostavi prijedlog članova biračkih odbora u diplomatsko-konzularnim predstavništvima BiH koji su određeni za biračko mjesto za glasanje državljana Bosne i Hercegovine koji su se prijavili da glasaju lično u diplomatsko-konzularnim predstavništvima BiH.

(2) Centralna izborna komisija BiH, uz zahtjev iz stava (1) ovog člana, dostavlja Ministarstvu vanjskih poslova BiH i odluku o diplomatsko-konzularnim predstavništvima BiH koji su određeni za glasanje.

(3) Ministarstvo vanjskih poslova BiH najkasnije u roku od 10 dana od dana prijema zahtjeva iz stava (1) ovog člana dostavlja Centralnoj izbornoj komisiji BiH prijedlog za članove biračkih odbora i njihove zamjenike u diplomatsko-konzularnim predstavništvima BiH, na obrascu SG-2 – izjava predloženog člana biračkog odbora u diplomatsko-konzularnom predstavništvu BiH, vodeći računa da predloženi kandidati ispunjavaju uvjete propisane članom 8. ovog pravilnika. Obrazac SG-2 – izjava predloženog člana biračkog odbora u diplomatsko-konzularnom predstavništvu BiH je sastavni dio ovog Pravilnika.

(4) Centralna izborna komisija BiH imenuje članove biračkih odbora i njihove zamjenike po dostavljenom prijedlogu, najkasnije u roku od 30 dana prije dana održavanja izbora.

(5) Ukoliko Ministarstvo vanjskih poslova BiH ne dostavi prijedloge za imenovanje biračkih odbora u određenim diplomatsko-konzularnim predstavništvima BiH, Centralna izborna komisija BiH će izvršiti imenovanje biračkih odbora u skladu sa svojim ovlaštenjima.

**POGLAVLJE V. IMENOVANJE MOBILNIH TIMOVA**

**Član 32.**  
**(Broj članova mobilnog tima)**

(1) Mobilni tim sastoji se od predsjednika i njegovog zamjenika, i dva člana i njihovih zamjenika.

(2) Broj mobilnih timova utvrđuje izborna komisija osnovne izborne jedinice rukovodeći se ukupnim brojem koji su se prijavili za glasanje putem mobilnog tima vodeći računa o ukupnom broju tih birača i prostronom raspoređenošću birača i ustanova u kojima će ti birači glasati posredstvom mobilnog tima.

**Član 33.**  
**(Opći i posebni uvjeti za imenovanje članova mobilnog tima)**

(1) Pored općih uvjeta propisanih članom 2.2. stav (1) Izbornog zakona BiH, član mobilnog tima mora ispunjavati posebne uvjete:

- a) da ima prebivalište u općini za koju se imenuje mobilni tim i
- b) da ima najmanje završenu srednju školu, odnosno III, IV ili V stepen stručne spreme.

(2) Prilikom imenovanja članova mobilnih timova i njihovih zamjenika, izborna komisija nastojat će osigurati da imenovanje bude u skladu sa odredbom člana 2.14 stav (1) i člana 2.19 stav (13) Izbornog zakona BiH.

#### **Član 34. (Prijedlozi, dodjela mjesta i imenovanje)**

(1) Na postupak dodjele mjesta i imenovanja mobilnog tima, obuke i provjere znanja primjenjuju se odredbe Poglavlje III ovog Pravilnika, osim ako ovim Poglavljem nije drugačije određeno.

(2) Popunjavanje mjesta u mobilnom timu nastavlja se od političkog subjekta kojem je posljednjem dodijeljeno mjesto u biračkom odboru.

(3) Nakon okončanog postupka utvrđivanja mjesta u mobilnim timovima, izborna komisija će političkom subjektu koji su dobili mjesto u mobilnom timu, najkasnije u roku od 15 dana prije održavanja izbora, uputiti zahtjev za dostavljanje prijedloga za članove mobilnih timova i njihove zamjenike.

(4) Politički subjekt iz stava (3) ovog člana, dužan je izornoj komisiji dostaviti svoje prijedloge za članove mobilnog tima i njihove zamjenike najkasnije u roku od tri dana od dana prijema zahtjeva.

(5) Politički subjekt podnose prijedlog za članove mobilnih timova u skladu sa odredbama Izbornog zakona BiH i ovog Pravilnika, vodeći računa da predloženi kandidati budu fizički sposobni za obavljanje poslova u mobilnom timu.

(6) Izborne komisije osnovne izborne jedinice imenuju članove mobilnih timova najkasnije u roku od 10 dana prije dana održavanja izbora.

#### **POGLAVLJE VI. ZAVRŠNE ODREDBE**

##### **Član 35. (Obrasci)**

Sastavni dio ovog Pravilnika su:

- a) Izjava o ispunjenosti uvjeta,
- b) Prijavni obrazac,
- c) Obrazac SG-1 i obrazac SG-2,
- d) Izgled i sadržaj certifikata,
- e) Tabela 1.
- f) Tekst javnog oglasa.

##### **Član 36. (Prestanak primjene)**

Danom stupanja na snagu ovog Pravilnika prestaje sa važenjem Pravilnik o utvrđivanju kvalifikacija i postupku imenovanja članova biračkih odbora ("Službeni glasnik BiH", broj 29/18), Pravilnik o izmjenama Pravilnika o utvrđivanju kvalifikacija i postupku imenovanja članova biračkih ("Službeni glasnik BiH", broj 62/18) i Pravilnik o izmjenama i dopunama Pravilnika o utvrđivanju kvalifikacija i postupku imenovanja članova biračkih ("Službeni glasnik BiH", broj 25/20 i 27/22).

**Član 37.**  
**(Stupanje na snagu i objava)**

Ovaj Pravilnik stupa na snagu danom donošenja, a objavit će se u “Službenom glasniku BiH”, “Službenim novinama FBiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH [www.izbori.ba](http://www.izbori.ba).

Broj:05-1-02-2-577-1/24  
Sarajevo, 03.05 .2024. godine



Predsjednica  
Dženana Hadžiabdić





**Obrazac Izjave o ispunjenosti uvjeta kandidata za predsjednika/zamjenika predsjednika biračkog odbora**

U skladu s članom 8. stav (2) i stav (3) Pravilnika o postupku imenovanja i razrješenja biračkih odbora za Lokalne izbore u BIH 2024. godine broj: 05-1-02-2-577-1/24 od 03.05.2024.godine pod punom materijalnom i krivičnom odgovornošću dajem sljedeću:

**IZJAVU**

Ja,

\_\_\_\_\_

(Ime i prezime)

\_\_\_\_\_

(JMB)

1. U smislu odredbe člana 2.3 Izbornog zakona Bosne i Hercegovine, kojim su utvrđene nespojivosti sa članstvom u izbornoj komisiji ili biračkom odboru, izjavljujem da nisam:

1.1 Lice koje se ne može kandidirati u smislu odredbi članova 1.6, 1.7 i 1.7a ovog Zakona.

1.2 Lice koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);

1.3 Lice koje je nosilac izabranog mandata ili je član izvršnog organa vlasti;

1.4 Lice koje je aktuelni kandidat **i/ili** je bio kandidat za bilo koji nivo vlasti na posljednjim općim i posljednjim lokalnim izborima;

1.5 Lice kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

1.6 Da nisam član političke stranke niti obavljam dužnost u organima političke stranke, udruženja ili fondacije organizaciono ili finansijski povezanim s političkom strankom, niti sam uključen u bilo kakvu aktivnost političke stranke i da sam u mogućnosti da obavljam svoju dužnost na politički nepristrasan način.

Izjavu dao:

\_\_\_\_\_

(Mjesto, datum)

Izjava se svojeručno potpisuje i ovjerava kod nadležnog organa ili kod izborne komisije OIJ



Obrazac prijave za predsjednika/zamjenika predsjednika biračkog odbora

OBRAZAC PRIJAVE NA JAVNI KONKURS ZA PREDSJEDNIKA/ZAMJENIKA  
PREDSJEDNIKA BIRAČKOG ODBORA

Ime i prezime:

JMB:

Ulica, kućni broj i mjesto prebivališta:

Kontakt telefon:

Stepen stručne spreme:      IV    V    VSS                      (zaokružiti odgovarajući odgovor)

Navesti završenu školu/fakultet:

Osnovno znanje iz oblasti izbornog zakonodavstva (navesti):

Podaci o izbornom iskustvu (po mogućnosti ako isto posjeduje-navesti):

Na posljednjem popisu stanovništva provedenom u Bosni i Hercegovini izjasnio/la sam se kao

Bošnjak

Hrvat

Srbin

Ostali

(Mjesto i datum)

Prijavu podnosi:  
Potpis: \_\_\_\_\_

Obavezna dokumentacija uz prijavu:

- Dokaz o stručnoj spremi;
- potpisana i ovjerena izjava o ispunjenosti uvjeta iz člana 8. stav (3) ovog Pravilnika;
- Dokaz o poznavanju izbornog zakonodavstva, odnosno izbornog iskustva iz člana 9. tačka c) ovog Pravilnika.

Na osnovu člana 2.2, 2.3 i 2.19 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20, 38/22, 51/22, 67/22 i 24/24), člana 24. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, broj: 05-1-02-2-577-1/24 od 03.05.2024.godine i člana 173. Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), pod punom materijalnom i krivičnom odgovornošću predloženi član biračkog odbora, odnosno mobilnog tima, daje

### IZJAVU

OSNOVNA IZBORNA JEDINICA	
Naziv političkog subjekta koji dostavlja prijedlog	
Ime i prezime predloženog člana biračkog odbora/mobilnog tima	
Stručna sprema predloženog člana biračkog odbora/mobilnog tima	
Zanimanje predloženog člana biračkog odbora/mobilnog tima	
JMB i broj lične karte predloženog člana biračkog odbora/mobilnog tima	
Tačna adresa stanovanja predloženog člana biračkog odbora/mobilnog tima	
Broj telefona predloženog člana biračkog odbora/mobilnog tima	

Ja, \_\_\_\_\_, izjavljujem, kao lice koje je predloženo za člana (Ime i prezime predloženog člana biračkog odbora/mobilnog tima) biračkog odbora, odnosno mobilnog tima, da nemam smetnji iz člana 2.3 stav (1) Izbornog zakona BiH, da su svi podaci koji su navedeni u ovom obrascu tačni, da sam saglasan da na prijedlog navedenog političkog subjekta budem predložen za člana biračkog odbora, odnosno mobilnog tima, na izborima koji će biti održani dana \_\_\_\_\_, da sam saglasan da prisustvujem obaveznoj obuci i provjeri znanja o načinu glasanja i brojanja glasova koju organizuje izborna komisija, a u skladu s planom i programom edukacije koji donosi Centralna izborna komisija BiH i Pravilnikom o postupku imenovanja i razrješenja biračkih odbora za Lokalne izbore u Bosni i Hercegovini 2024. godine.

Nakon dobijanja sertifikata obavezujem se da ću kao član biračkog odbora biti prisutan tokom cijelog procesa glasanja, uključujući utvrđivanje rezultata glasanja, odnosno kao član mobilnog tima biti prisutan tokom cijelog procesa glasanja i utvrđivanja broja koverti.

Datum: \_\_\_\_\_

\_\_\_\_\_  
(Potpis predloženog člana biračkog odbora koji odgovara potpisu na identifikacionom dokumentu)

M.P. \_\_\_\_\_  
(Potpis ovlaštenog lica političkog subjekta)

**OBRAZAC**  
**: SG-1**

**PRIJEDLOG**  
**ZA ČLANA/ZAMJENIKA ČLANA BIRAČKOG ODBORA U DKP-u BIH**

**DRŽAVA** \_\_\_\_\_

**Šifra biračkog mjesta u DKP-u** \_\_\_\_\_

(međunarodna slovna oznaka države u kojoj se nalazi DKP i redni broj biračkog mjesta)

---

**PODACI O PREDLOŽENOM ČLANU/ZAMJENIKU ČLANA**  
**BIRAČKOG ODBORA U DKP-u BIH**

---

Ime i prezime:

JMB:

Prebivalište:

Vrsta i broj identifikacionog dokumenta:

Pol:

Predloženi član/zamjenik člana biračkog odbora izjašnjava se kao pripadnik  
\_\_\_\_\_ naroda.

Stepen stručne spreme:      SSS    VŠS    VSS      (Zaokružiti odgovarajući odgovor)

Zanimanje:

Trenutno zaposlenje:

Obavlja poslove:

Podaci o izbornom iskustvu:

Predloženi član/zamjenik člana biračkog odbora nije član najvišeg izvršnog tijela niti jedne  
političke stranke ili koalicije:      DA      NE      (Zaokružiti odgovarajući odgovor)

***Predložena pozicija u biračkom odboru:***

Datum: \_\_\_ / \_\_\_ / \_\_\_\_ .g.      M.P.

\_\_\_\_\_  
Potpis predloženog člana/zamjenika člana biračkog odbora

\_\_\_\_\_  
Potpis nadležnog lica Ministarstva vanjskih poslova BiH

**OBRAZAC:**  
**SG-2**



Na osnovu člana 2.19. stav (3) i stav (17) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24 ) i člana 19. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, broj: 05-1-02-2-577-1/24 od 03.05.2024.godine izdaje se

## C E R T I F I K A T

*o uspješno završenoj obuci za predsjednika/ zamjenike predsjednika biračkog odbora*

Potvrđuje se da je \_\_\_\_\_,  
( Ime i prezime )

JMB \_\_\_\_\_ iz \_\_\_\_\_,

prisustvovao/la obuci koja se organizira za predsjednika/zamjenika predsjednika biračkog odbora, u skladu s planom i programom edukacije koji donosi Centralna izborna komisija BiH za provođenje izbora koji se održavaju \_\_\_\_\_ godine i da je sa uspjehom završio/la obuku za predsjednika/zamjenika predsjednika biračkog odbora.

Datum: \_\_\_\_\_

M.P.

Serijski broj: \_\_\_\_\_

Predsjednik/član  
Centralne izborne komisije BiH



Na osnovu člana 2.19 stav (18) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24.) i člana 22. stav (3) i stav (4) Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, broj: 05-1-02-2-577-1/24 od 03.05.2024.godine izdaje se

## CERTIFIKAT

Ovim certifikatom potvrđuje se da je \_\_\_\_\_,  
JMBB \_\_\_\_\_ iz \_\_\_\_\_, prisustvovao/la obuci  
koja se organizira za članove biračkih odbora, odnosno mobilnih timova u Bosni i  
Hercegovini, u skladu s planom i programom edukacije koji donosi Centralna izborna  
komisija BiH za provođenje izbora koji se održavaju \_\_\_\_\_ godine i da je sa  
uspjehom prošao/la provjeru znanja.

Certifikat izdaje:

Izborna komisija osnovne izborne jedinice \_\_\_\_\_

Datum: \_\_\_\_\_

M.P. \_\_\_\_\_

Serijski broj: \_\_\_\_\_

Predsjednik/član izborne komisije

Obrazac:  
BOC-1



Na osnovu člana 2.19 i člana 1.5 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 30. stav (3) i stav (4) Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. Godine, broj: 05-1-02-2-577-1/24 od 03.05.2024.godine izdaje se

## C E R T I F I K A T

*o uspješno završenoj obuci za predsjednika i članove biračkih odbora za glasanje u diplomatsko-konzularnim predstavništvima Bosne i Hercegovine*

Potvrđuje se da je \_\_\_\_\_  
(Ime, ime roditelja i prezime)

JMB \_\_\_\_\_ iz \_\_\_\_\_

prisustvovao/la obuci koja se organizira za članove biračkih odbora u diplomatsko-konzularnim predstavništvima Bosne i Hercegovine, u skladu s planom i programom edukacije koji donosi Centralna izborna komisija BiH za provođenje izbora koji se održavaju \_\_\_\_\_ godine i da je sa uspjehom završio/la obuku za predsjednika i članove biračkih odbora za glasanje u diplomatsko-konzularnim predstavništvima Bosne i Hercegovine.

Datum: \_\_\_\_\_ M.P. \_\_\_\_\_

Serijski broj: \_\_\_\_\_

Predsjednik/član  
Centralne izborne komisije BiH

**TABELA BR.1**

**Bodovanje kandidata za predsjednika/zamjenika biračkog odbora po osnovu stručne spreme, dodatnog bodovanja, i uspjeha postignutog prilikom provjere znanja**

R/b	Ime i prezime kandidata	Ukupno bodova po osnovu stručne spreme	Ukupno bodova po osnovu dodatnog bodovanja na osnovu posebnih kriterija u skladu sa članom 16. stav (2) Pravilnika	Ukupno bodova postignuto prilikom provjere znanja	Ukupno ocjena kandidata
		1	2	3	(zbir 1+2+3)
1.					
2.					



Na osnovu člana 2.13 tačka 3. Izbornog zakona BiH ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 26. Pravilnika o postupku imenovanja i razrješenja biračkih odbora za Lokalne izbore u Bosni i Hercegovini 2024. godine, broj: 05-1-02-2-577-1/24 od 03.05.2024.godine, izborna komisija osnovne izborne jedinice \_\_\_\_\_ raspisuje

## **JAVNI OGLAS**

**za izbor kandidata za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika**

**I.** Objavljuje se Javni oglas za izbor kandidata za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika.

### **II. Uvjeti za imenovanje:**

#### **Opći uvjeti:**

1. Prijavljeni kandidat je osoba s pravom glasa.
2. Za člana biračkog odbora ne može biti imenovano lice (član 2.3. Izbornog zakona BiH) :
  1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
  2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
  3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
  4. koji je aktuelni kandidat ili je bio kandidat za bilo koji nivo vlasti na posljednjim općim i posljednjim lokalnim izborima;
  5. kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

#### **Posebni uvjeti:**

- da ima prebivalište u opštini za koju se imenuje birački odbor, u pravilu da je upisan u izvod iz Centralnog biračkog spiska za biračko mjesto za koje se imenuje,
- da ima najmanje završenu srednju školu, odnosno III, IV ili V stepen stručne spreme,
- da mu nije izrečena sankcija od Centralne izborne komisije BiH.

### **III. Potrebna dokumentacija:**

1. prijava na javni oglas (popunjen obrazac SG-3),

### **IV. Rok za podnošenje prijava**

Rok za podnošenje prijava je dvadeset (20) dana od dana objave javnog oglasa na oglasnoj ploči općine/grada, na internet-stranici općine/grada i sredstvima javnog informiranja (lokalni radio, štampani mediji).

### **V. Organ za provođenje postupka**

Proceduru izbora kandidata po javnom oglasu provodi izborna komisija osnovne izborne jedinice.

## **VI. Ostale informacije**

Obrazac prijave kandidati mogu preuzeti u sjedištu izborne komisije osnovne izborne jedinice ili na internet- stranici općine/grada.

Prijavu na javni oglas kandidati dostavljaju u zatvorenoj koverti u sjedište izborne komisije sa naznakom:

*Izborna komisija osnovne izborne jedinice \_\_\_\_\_,*

*Adresa: \_\_\_\_\_*

*„Prijava na javni oglas za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika - ne otvarati“.*

Kandidati će, ako izborna komisija zatraži, dostaviti dokaze o kvalifikaciji i ispunjavanju uvjeta iz javnog oglasa.

Nepotpune i neblagovremene prijave izborna komisija neće uzeti u razmatranje.

Predsjednik IK OIJ

Broj: \_\_\_\_\_  
Grad/općina, \_\_\_\_\_ .godine